

MEMORIA XUSTIFICATIVA

Convenio de colaboración entre a Consellería de Educación, Ciencia, Universidades e Formación Profesional da Xunta de Galicia e a Federación Galega de Municipios e Provincias (FEGAMP) para o desenvolvemento da Rede de Concellos contra o acoso escolar

Antecedentes

A Consellería de Educación, Ciencia, Universidades e Formación Profesional é o departamento da Xunta de Galicia ao que lle corresponden as competencias e funcións en materia de planificación, regulación e administración do ensino regrado en toda a súa extensión, niveis, graos, modalidades e especialidades, tal e como establece o Decreto 138/2024, do 20 de maio, polo que se establece a estrutura orgánica da Consellería de Educación, Ciencia, Universidades e Formación Profesional.

A Consellería considera como un dos piares fundamentais dun sistema educativo de calidade o impulso de contornas escolares seguras, inclusivas e respectuosas na que o acoso e o ciberacoso escolar escolar no teñan cabida. O seu coa mellora continua do clima de convivencia nos centros educativos vén sendo unha máxima da Consellería de Educación, Ciencia, Universidades e Formación Profesional nos



últimos anos.

Neste contexto, a Estratexia galega de convivencia escolar 2025 e o Plan integral contra o acoso e o ciberacoso escolar recollen unha planificación xeral a seguir con iniciativas destinadas a fomentar unha convivencia de calidade e sen conflitos.

Que a Lei orgánica 3/2020, do 29 de decembro, pola que se modifica a Lei orgánica 2/2006, do 3 de maio, de educación, afirma que a educación debe fomentar a convivencia democrática e o respecto ás diferenzas individuais, promover a solidariedade e evitar a discriminación, co obxectivo fundamental de lograr a necesaria cohesión social.

Así mesmo, a Lei orgánica 8/2021, do 4 de xuño, de protección integral á infancia e a adolescencia fronte á violencia (LOPIVI), que no capítulo IV, desenvolve diversas medidas de prevención e detección precoz da violencia nos centros educativos que se consideran imprescindibles ao ter en conta que se trata dunha contorna de socialización central na vida das nenas, nenos e adolescentes.

Do mesmo xeito, o Decreto 8/2015, do 8 de xaneiro, polo que se desenvolve a Lei 4/2011, do 30 de xuño, de convivencia e participación da comunidade educativa en materia de convivencia escolar define a convivencia escolar como a capacidade que teñen as persoas de vivir con outras nun marco de respecto mutuo e de solidariedade recíproca, expresada na interrelación harmoniosa e sen violencia entre os diferentes actores e estamentos da comunidade educativa.

Que a Federación Galega de Municipios e Provincias (FEGAMP) de acordo co establecido no artigo 6,1b) dos seus estatutos ten entre os seus fins "promover, representar e defender os intereses de todas as entidades locais ante outras administracións públicas" e goza de plena capacidade para subscribir convenios e contraer compromisos e obrigas segundo o artigo 8 de ditos estatutos.



A disposición transitoria terceira da Lei 5/1997, do 22 de xullo, de Administración Local de Galicia, establece que a Federación Galega de Municipios e Provincias recoñecida polas entidades locais como a entidade asociativa máis representativa e maioritaria, terá as facultades derivadas da súa representatividade.

Razóns de oportunidade

O desenvolvemento da normativa antes citada aconsellan continuar coa liña de colaboración entre as dúas institucións asinantes do convenio en aras a beneficiar con esta colaboración a coordinación de actuacións no desenvolvemento da Rede de Concellos contra o acoso escolar.

Esta colaboración establece os mecanismos para consolidar unha rede de apoio territorial que non só interveña ante situacións de acoso escolar, senón que actúe de forma preventiva para garantir o benestar e desenvolvemento integral do alumnado galego nun clima de convivencia positiva.

A execución desta colaboración non implicará para a Consellería de Educación, Ciencia, Universidades e Formación Profesional compromiso de gasto económico.

Obxectivos perseguidos

As principais finalidades do convenio son:

- a) Fortalecer a coordinación entre institucións e entidades locais para previr, detectar e abordar de forma eficaz os casos de acoso e ciberacoso no ámbito escolar.
- b) Establecer un seguimento sistemático e continuado dos posibles casos, incorporando unha perspectiva territorial que garanta a implicación activa de todos os actores responsables a nivel local.



- c) Ofrecer apoio estruturado e colaborativo aos centros educativos na xestión de situacións de acoso e ciberacoso, favorecendo respostas áxiles, integradas e adaptadas a cada contexto.
- d) Promover a prevención como eixo central da intervención, impulsando unha cultura de convivencia positiva, respecto e tolerancia cero cara a calquera forma de violencia.
- e) Fomentar a formación continua e especializada dos axentes implicados, co fin de dotalos de ferramentas actualizadas e criterios comúns de actuación.
- f) Diseñar e implementar programas específicos e contextualizados, que respondan as características e necesidades particulares de cada contorna local.
- g) Reducir a incidencia de casos que requiran a activación do protocolo de acoso escolar, mediante estratexias de detección tempera e unha intervención preventiva ben coordinada.

A directora xeral de Ordenación e Innovación Educativa

Asdo.: Judith Fernández Novoa

